



Taulogologo

IUNI 2023

TOMANATUGA FA'ALEAGAGA MASINA IUNI 2023.

ASO SA TINO MA LE TOTO PA'IA O IESU

TUSI FAITAU: EVAGELIA IOANE 6:51-58

MAU “ O A'U LE ARETO OLA NA ALU IFO MAI LE LAGI; PE A AI SE TASI I LENEI ARETO, ONA OLA AI LEA O IA E FA'AVAVAU. “ (IOANE 6:51 RSV)

MATUA : “IESU LE FALAOA/ARETO OLA”

E tatou te olioli pe o'o mai le vaiitaimi ole kirisimasi, auā ua auina mai ai e le Atua lava ia lona Alo pele e to'atasi. O lana meaalofo silisili mo le lalolagi, o se pepe. O le ala lenā tatou te faamamaluina ai lenā vaiitaimi tāua, e fa'amanatu mai ai iā oe ma a'u atoa ai ma le lalolagi uma, o lē na aumaia ile lalolagi le ola. Tatou te vivii, olioli ma pepese i lenā taeao ole kirisimasi, ona ole afio mai ole Keriso ile lalolagi e afio ma mau ai ma i tatou, i lona tino tagata e pei lava oi tatou. Mā ole mea silisili lea ile tala fa'asolopito ole tagata. I se isi fa'aupuga faigofie ma pu'upu'u, e tāua le kirisimasi 'ona ole aso soifua o Iesu.

A'o ai ea Iesu? O ai ea lenei Iesu ia oe ma a'u? O se tasi lea o fesili muamua ile a'oa'oina o fanau ile kapite a le Ekalesia. Faafetai i faia'oga mo le galuega a'oa'oina o fanau. Ole toe fafagu ma le fa'ama'ite, ina tatou malamalama ma ola muamua ile tali ole fesili ae le'i avea ile fanau. Pei ona fai mai le fa'amanatu ile Aso ole tatou tatou Aso fa'lea'oa'oga (reflection day) “E ao ina ola muamua le faia'oga i mea ole a a'oa'o ai le fanau. I lenei la fesili po'o ai ea Iesu ia oe ma a'u? Ou te lagona e lelei pe a se'i o tatou faatagaina Iesu e saunoa ma tali mai mo i tatou i lenei fesili. O ā tatou tomanatuga faaleagaga ile vaiitaimi ole Atevetu, e tatou te mauaina mai ai ni fa'amatalaga tāua ma manino mai iā Iesu e fa'atatau ia te ia lava, mā po'o ai moni lava Iesu.

Ile tusitusiga mai le evagelia, o lo'o ua ta'utino mai ai e Iesu lava ia, “ O a'u ole ARETO OLA “. Ua tatou silafia ma iloaina uma lava, ole FALAOA o se taumafa ma se mataiai e taua tele i lā Atunu'u ma i tatou fo'i. E tāua tele lenei mataiai ile ola ole toatele o tagata. Tatou te silafia uma fo'i ma iloa afai tatou te mumusu e aai pe talisua, e mautinoa lava le faasolo ma aga'i atu ile vaivai ole tino ma i'u ina tatou maliliu ma feoti ai. (tulou) O lona uiga la, ole falaoa o se meaai tatou te mo'omo'o i ai, ma matūā fa'alagolago tele i ai. Peita'i le au uso e ma le tatou au faitau, o lea ua fetalai manino mai lava Iesu, e silisili atu lava o ia nai lo le falaoa lea tatou momo'o ma talisua so'o ai. Ua ta'utino manino mai nei e Iesu, o ia ole FALAOA OLA na te tausia le va lelei ma ia saga fa'amautuina lo tatou faiā ma le tatou so'otaga vāvā lalata ma lo tatou Atua le Tamā. Ioe! Tatou te fa'alogo tasi ia Iesu le falaoa/ areto ola mo lo tatou ola ile lalolagi nei, aemaise le ola atalī. Ole tāua o Iesu ole ARETO po'o le falaoa ola, ua faapea fo'i ona ia fetalai mai ai mo i tatou i nisi o vaega tāua se lua. (1) O lona afio mai lea e auai faatasi ma i tatou i lona liutino tagata. (2) O lō tatou taimi tatou te toe fo'i atu ai ia te ia i lenā aso tele, le faaolataga.

1) O IESU, OLE ARETO UA AFIO MAI MO I TATOU.

O lona afio mai ua aumai ai se fa'aaliga fa'alelagi, ma amata ai se fa'aleleiga a le tagata ma le lagi. I se isi fa'aupuga, o lo tatou talisua i le areto ola ole faaleleiga lenā a le tagata ma le Atua Paia. E le nā ona ai i ai ina ia ola le agaga, ae ia lelei ma le Atua. Lelei fa'apefea? Ulua'i faaleleiga ma le tagata, aemaise lē o fai ia ma ou fili. Afai tatou te le mafai ona fai. Ole talisua ma ai ma le fa'aletatau lenā. Ole tāua lenā ole 'aua le fiu ma paiē po'o le fa'apalapala e tatou te o ile talisuga ma saga fa'alatalata atu pea i lana la'oai Paia i aso uma. Amuia tatou katoliko e talisuga i aso uma lava. O nisi faatuatuaga ua na ole tasi i le masina. Ioe le au uso, o Iesu Keriso ole ARETO PO'O LE FALAOA OLA, ua na o ia tatou te maua ai le ola e le gata lava.

PHOTOS?

2) UA VALAAUINA I TATOU E IESU TATOU TE Ö ATU IÄ TE IA.

Le au uso e, ua valaau mai Iesu le ARETO ola ina ia tatou ö atu ia te ia mo le faaolataga. Ole meaalo-fa sili ole ola, e matuā mana'omia tele ai lo tatou fa'alogo lelei atu ma talia le talalelei. Ole finagalo ole matai, ina ia tu'ua'ina atu lo tatou fa'atuatua ma lo tatou talitonu moni o ia ole FALAOA OLA na alu ifo mai le lagi. Sa'o ai le muagagana masani, " e mafai ona e ta'ita'i le sofanua ile vai, ae le mafai ona e fa'amalosia le solofanua e inu." So'o se matua e nafai ona tatou tu'u meaai i luma o tamaiti, ae le mafai ona faatonu tamaiti e aai. E i ai taimi e lelei ai togafiti ae le o togafiti uma e aogā. Ioe le tatou Matagaluega ma le au faitau, ile Atua ma lona malö, e leai ni mea fa'atogafiti po'o ni mea fa'aalatua. Ua fetalai Iesu o ia ole ARETO ola, o lenā lava. O ia o lö tatou ala i malö. O lo tatou faitoto'a ile lagi ma le ola e fa'avauvau. O le ulu atu i ai, o lau lenā ma la'u fa'ai'uga. O lou talisua ma ai i ai, o lau lava faitalia. Ole fa'aolataga e mo tagata uma, ole valaaulia mo i tatou uma, ina ia auai faatasi ma Iesu i lana talisuga ma lana tausama'aga, i lona tino ma lona toto Paia. Mo tagata lelei ma tagata lelei feololo, ma tagata matua'i leaga faia lava fo'i. Peita'i! E le faamalosia oe ma a'u e Iesu, mana'o pe musu, pule le tama a le loomatua.

Ole tatou faiā faakerisiano, tatou te taliaina ai Iesu e pei o se uo moni. Ia fa'amaoni ma moni pea e le gata i upu, mafaufauga atoa ma amioga.

3) UA VALAAUINA I TATOU E IESU TATOU TE AAI I LONA TINO MA FEINU I LONA TOTOTO.

Ole talisuga po'o le taumafataga a le Ali'i, e le o se aigā tagata (cannibalism) (tulou) ae ole ata faatusa ole mea moni. Ole faatusa o lö tatou aai ile tino o Keriso ma o tatou feinu i lona toto Paia, na tupu a'e ile lalolagi lea na osi a'e ai taulaga i Atua sesē ae le o manu uma na susunuina i luga ole Fata faitaulaga. O lenei valaauina ua avea ai Iesu ma mea faitaulaga i luga ole fata faitaulaga ma avea ai fo'i o ia ma Ositaulaga silisili.

2

Atonu e fesoasoani se fa'ata'ita'iga fa'atusa lenei tatou te malamalama gofie ai ile uiga o lenei saunoga a Iesu ina ua ia valaauina i tatou e aai i lona tino ma inu i lona toto. Tatou vaai faalemafaufau pe afai e te taulimaina se meaalofo o se tusi fou, ua e fiafia i lena tusi, ona o oe o se tagata fiafia e faitau tusi, e te silafia lelei le tusitala ole tusi. O se tasi o au best author. (Tusitala) nai lo lou faitau vave ile tusi, ae ua e tu'u i luga o lau fata tusi. Ae e te silafia la lona a'afiaga, seiloga lava e te susu'e lenā tusi fou ma e faitauina, ona faatoā e lagonaina lea ole fiafia. O faamatalaga sa'o, o musumusuga moni atoa ma le fesoasoani a lenā tusi ole a tumau pea lava i fafo. Ae atonu ole a i ai se aso, e te faitauina ai, ona avea ai lea o lau tusi moni. Ole a e silafiaina uma mea o i ai, o fesoasoani i lona malamalama. Ma ole a mafai ona e fa'aogaina e fa'atamāoaiga ai lou olaga.

Le au pele, e faapena foi Iesu. Afai e tumau pea Iesu e pei ole itulau e o'o lava ile itulau Paia i se Tusisi. O lona uiga, e le mafai lava ona tu'ua'ina atu i lou olaga ma lo'u fo'i olaga le tausiga ma le fafagaina. E tataua ona tatou fa'amālūina le areto ole ola mo lo tatou faaolataga.

O ai ea lenā FALAOA i luga ole fatafaitaulaga? Ioe, O IA LAVA OLE ARETO OLA. E afio mai o ia e tuuina mai ia te'i tatou le ola moni, e ānoa, e tele ma lava mo i tatou e to'atele, e atoatoa ma FA'AVAVAU. Ua e sauni e te sau ia te ia ile asö? E te taliaina ea ma le fa'amaoni lona alifa ua moni lava pea? Pe e re ai ea i lona tino ma inu i lona toto ma maua ai le ola e tele ma tumau e faavavau. O ia lea ua fetalai mai nei mo i tatou lana fanau uma lava. O A'U LE ARETO OLA NA ALU IFO MAI LE LAGI."

IA MANUIA TEL LENEI ASO SA OLE "TINO MA LE TOTO PA'IA O IESU "

SOIFUA ONA O KERISO

VAUELI & VERONIKA TUITOLOVAA

FKS

AFIGA KATINALE JOHN DEW



Aso 5 Me 2023

Fa'atalofa atu ia outou uma

Ua atoa nei le valu o vaiaso talu mai la'u tusitusiga mulimuli ona sa mana'omia le taimi e toe maua ai le malosi mai le ta'otoga sa faia i lo'u tua. Avatu le fa'afetai i le Atua ua toe maua mai le malosi. Fa'afetai atu mo la outou lagolagosua ma a outou tatalo.

O lenei tusitusiga e pei ona masani ai i masina mai tausaga ua tuana'i o le taimi mulimuli lenei. O lea ua talia e Pope Faranisisi la'u fa'amavaega o le Akiepipoko a Ueligitone. O le Tulafono Fa'akanone e mana'omia epokopo e ofo atu a latou fa'amavaega i le Tamā Pa'ia pe'a ausia le 75 o tausaga le soifua ma o

le asō, 5 Me ua ausia ai lenā vaega.

Ma e i ai le fa'anoanoaga i le fa'atofā atu, ma se FA'AFETAI TELE lava ia outou uma. O le a 'ou i ai lava i'inei ma e fiafia lava e a'afia i le olaga ale Pule'aga Fa'aakiepipoko i nisi o auala. O Akiepipoko Paul ua avea nei ma sui tulaga iā te a'u ma o lona 8 ai lea o Akiepipoko a Ueligitone. Ou te ofo atu fa'amanuiaga uma ia Paul ma talosaga atu ina ia avatu iā te ia la outou lagolagosua e pei ona outou lagolagosua mai iā te a'u.

I tausaga ua tuana'i ina ua feiloa'i atu Epikopo a Niu Sila iā Pope Sagato Ioane Paulo II i taimi o se malagasā i Roma, se tasi o tatou epikopo sa fai atu i le Pope, **“Tamā Pa'ia e, ou te lē mana'o i lau galuega po leā lava le tele o ni tupe i lenei lalolagi.”** Na silasila atu le Pope ma fa'apea atu, **“O se fa'aeaina”**. Ou te fai atu ma le fa'amaoni o se fa'aeaina mo a'u. Sa tele ni lu'itau ma nisi faigatā ma e pei o Iesu i nisi o taimi sa ou maumaututū fo'i e uiga i le 'savalia o le auala i Ierusalemā' (Luka 9: 51). Ou te fiafia tele i le vaega lenei a le Evagelia a Luka e soso'o lelei mai le mea na tupu iā Iesu i luga o le Mauga o Liliuga. O se fa'amanatuga a tatou feiloa'i atu iā Iesu i tatalo o le a tatou maumaututū i le feagai atu ma lu'itau ma faigatā.


'Aua ne'i fa'agaloina o tatou uma o afafine ma atali'i filifilia ale Atua. Ua fa'aeaina i tatou e savavali fa'atasi i la tatou Ekalesia, o tatou o aiga o le fa'atuatua.

Fa'afetai atu mo a outou tatalo, le tou alolofa ma le lagoonosua. O la outou fesoasaoni, la outou taumauga i le Ekalesia, o la outou fa'anaunau e savavali le ala a Iesu, ta'u atu le moni a Iesu ma ola ai le olaga a Iesu o se fa'aosofiaga.

O taimi uma tou te o atu ai i le Misasa ma fa'alogi i le igoa a Akiepipoko Paul i le Tatalo a le Eukalisitia, fa'amolemole faia ni tatalo ma le fa'amaoni mo ia. O le a fa'a'e'eina Paul o le Akiepipoko a Ueligitone i le aso To'ona'i 17 o Iuni i le malumalu a Sagata Teresa; o le a ia aveina le to'oto'o a le leoleo mamoe mai iā te a'u ma savali ma outou a o outou fa'atasi atu i le tasi ma le isi i tatalo ma le lagolagosua āloa.

Ma Fa'amanuiaga Uma Lava

+Ioane



FA'AMALOLOGA A KATINALI JOHN DEW

5 Me 2023

Ua fa'amalōlō nei Katinale John Dew ma Akiepi-kopo a Ueligitone

O Katinali John Dew, o le Katinale Akiepi-kopo a Ueligitone talu mai le tausaga 2005, ua fa'amalōlō mai nei i lana galuega ina ua ausia le 75 o tausaga o lona soifua. Ua talia nei a Pope Faranisisi le fa'amavaega a Katinale John Dew o le Akiepi-kopo a Ueligitone ma faia le fa'asalalaua i le aoauli i Roma i le aso 5 o Me – 10.00pm i Niu Sila lea – ua fetau ma le fa'ailogaina o le aso soifua a Katinale John. E tumau pea Katinale John o le ta'ita'i a le Pule'aga a Palmerston North ma fa'aauau ai nisi o ana tiute mo le Vatikano e a'afia ai le avea ma sulī o le Kolisi a Kationale, ua mafai ona faia lana vaega i le filifilia o se pope se'ia atoa le 80 tausaga o lona soifua.

O le tusi Tulafono a le Ekalesia Katoliko o le Tulafono Kanone ua fa'apea mai o epikopo fa'aakiepi-kopo ma epikopo fa'apule'aga (a'afia ai Katinale) e mana'omia le tu'uina atu o a latou fa'amavaega i le Pope pe a ausia le 75 tausaga o a latou soifua. O se mea fa'afuase'ia, o Katinale John Dew ma Akiepi-kopo Paul Martin i tutusa o la aso soifua – na soifua uma mai i la'ua i le aso 5 o Me. Fai mai Akiepi-kopo Paul o Katinale John Dew sa 'au'auna ia Ueligitone ma le Ekalesia ma le lelei uiga 'ese ma o le a misia o ia. Fai mai Akiepi-kopo Paul, "tatou te ofo atu fa'amanuiga mo lana faiga malolōga ua mautinoa o se faiga malolōga e anoanoa'i ni galuega o le a feagai ma ia. Sa ia ta'ita'ia le Pule'aga a Ueligitone i le tele o lu'itau ma ni suiga tetele, e masani fa'atasi ma se va'aiga fa'alafulemū. Sa tele fo'i ni mana'oga mo ni matafaioi mai le Ekalesia i Aotearoa nei ma o le a misia o ia".

O Akiepi-kopo Paul sa avea ma Epikopo a Kalaisetete mai iā Tesema 2017 se'ia o'o mai i le aso 1 Ianuari 2021 ina ua tofia o ia e avea ma Akiepi-kopo Lagolago a Ueligitone, o se tofitofiga o lona uiga o ia e tauavea le tofi pe a fa'amalolō Katinale John Dew.

4

Sa tofia Katinale John e avea ma Akiepi-kopo lagolago ia Me 2004. Sa ia tauavea le tofi Katinale ina ua fa'amalolō Katinale Tom Williams le Akiepi-kopo a Ueligitone ia Mati 2005. Na tofia o ia o se Katinale e Pope Faranisisi ia Fepuari i le tausaga 2015.

O John Atcherley Dew na fanau o ia i Waipawa i Hawke's Bay i le aso 5 Me 1948. Sa amata lona soifua a'oa'oina i le a'oga a Sagato Iosefo Primary School i Waipukurau ma le Kolisi a St. Joseph i Masterton. Sa tapena mo le tofi fa'afaife'au i le Holy Name Seminary i Christchurch ma le Holy Name Seminary, Mosgiel ma na fa'au'uina ia Me 1976. Ae le'i tofia e avea ma Epikopo Fesoasaoni a Ueligitone, sa galue mo le lima tausaga o le 'au'aunaga fa'aautalavou, fa'ausaga o le Fa'atonu Sili mo le au tausaga muamua i le Seminalio ale Holy Cross, ma fesoasoani i palisi ale Pule'aga a Ueligitone ma atumotu a Cook Islands. Fa'atasi ai ma isi ana matafaioi fa'aleatunu'u ma pitonu'u, sa avea o ia ma Peresetene ma Failautusi a le Koneferenisi a Epikopo a Niu Sila, ma na galue mo le fa'ausaga o le Peresetene ale Fa'alapotopotoga a Epikopo Katoliko a Oseania. Sa avea fo'i o ia ma Epikopo a le Tausiga Fa'alafulemū a Fitafita a Niu Sila talu ona avea ma Akiepi-kopo a Ueligitone.

E fa'auau pea e Katinale John lana tofiga mai le Tamā Pa'ia i fa'apotopotoga mo le Fa'aevageliaina o Tagata, le Fa'apotopotoga o le Talosaga Mamana ma le Fa'aleleia o Sakalameta, ma le Mafutaga mo le Fa'alauiloaina o le Tu'ufa'atasia o Kerisiano ma avea ma sulī a le Kolisi a Katinale.

Na fa'afetai atu Katinale John i ositaulaga ma tagata Ueligitone mo la latou lagolagosua i taimi o lana nofoa'iga o le Akiepi-kopo. "E masani ona ou lagonaina le fiasia ma le mafanafana i palisi ma a'oga ale Pule'aga, fa'atasi ai ma le tele o tagata taumauga o latou o vaega a le Ekalesia o le Pule'aga. Ma ou te fiasia e fa'aauau pea leni 'au'aunaga i se faiga e lē fa'amamalu teleina i le luman'i.

Ua ou mautinoa o Akiepi-kopo Paul o le a fa'apea ona outou avatu i ai la outou lagolagosua e pei ona outou faia iā te a'u. E pei ona ou fai atu ina ua tofia o ia ma Akiepi-kopo Fesoasaoni, ou te mafanafana o le a ia ta'ita'ia le Pule'aga i se lumana'i e tumu i le malosi ma le va'ai mamao.'

O Akiepi-kopo Paul Martin o le aloa'ia ona fa'aeaina o le Akiepi-kopo a Ueligitone i le aso To'ona'i 17 Iuni i le Malumalu a Sagata Teresa

FA'ALIGA TĀUA MO LE TATOU KAPELENISIA SAMOA

E le o toe pō malaë ile pa'ia maualuga ole tatou Kapelenisia, le faamoemoe mo le aloaiaina o lana Afioga ile Akiepipikopō Paul Martin i lona tofiga fou mo le Pule'aga Faaakiepipikopo o Ueligitone. O lenei sauniga ole Misasa ole a fa'ataunuuina lea ile Malumalu Fa'aepikopō o Saint Theresa i Karori. O lo'o tatala le avanoa mo i latou uma e fia auai i lenei sauniga taua. Ua faatulagaina mai le aso 17 o Iuni ile itula e 7pm ile afiafi, mo le taulaga Paia ole misasa e fa'afeiloa'i atu ai i lö tatou ta'ita'i fou mo le Pule'aga i Ueligitone nei.

Faafetai

Komiti Faafoe

ASO SA O LE TASITOLU PA'IA – Aso Sa muamua aso 4 Iuni

I le sulufaga o le Tasitolu Pa'ia ua tatou feagai atu ai ma le misitelio tutotonu a le Atua o se aiga o tagata, Tamā, Alo ma le Agaga Pa'ia, le mea o lo'o atoatoa i ai le lotogatasi, alofa ma le filemū. Ina ia manatu ifo se tasi po o le a se mea o lo'o tau'ave e le misitelio o le Tasitolu i o tatou olaga, e ao ona manatuaina ua ta'u maia e le tusitusiga pa'ia o tatou o fanau ale Atua le Tamā o lē e alofa iā i tatou, ma iā Iesu Keriso ua tatou maua i ai se uso po o se tuagane o lē na maliu mo tatou ma i le Agaga Pa'ia ua tatou maua i ai se fa'auō ma se fa'amafanafanaga o lē e fa'amalosi'au ma puipuia i tatou pe a o'o mai ni lamatiaga. O le Tasitolu o se vala'aulia ina ia mauaina ma fa'alolotoina le va feagai ai o le Atua ma tatou i le malamalama'aga ua ta'u mai e le evagelia iā i tatou e uiga i le olaga i totonu. Afai na faia i tatou i le fa'atusa ma foliga o le Atua ona mautinoa lea e tatau ona tatou taumafai e pei o ia i o tatou uiga fa'aletagata – ona a muta lenei olaga o le fa'ataunu'uina o a tatou miti o le fa'atasi atu lea ma le Atua ma va'ai iā te ia e pei ona ia i ai.

Ae ui i lea, o le sau i se malamalama'aga i o tatou mamalu moni o fanau ale Atua e mana'omia se suiga tele ma le liliuga mai iā i tatou. E mana'omia se sauniga mautū e fa'amamulu atu ai o mea uma ua saisaitia ai i tatou i lenei lalolagi. O le tasi'aga o le Atua ma le nofoaga uiga 'ese e tatau ona ia taofiofia ai o tatou olaga ua tatou iloaina ai le faigofie ona maileia i tatou i le vivi'i atu i ni atua pepelo. E fa'ate'ia i le faigofie ona maileia e le tupe, paoa ma le mamalu pe a tupu. O le agalelei o le Tamā i le auina mai o lona Alo i le lalolagi o se Fa'aola ua telē lona fa'atusatusaga ma ituaiga 'ese'ese o le tagata e manatu fa'apito ua faigofie ona tatou maua ai.

O le Atua o le misitelio loloto lea o tatou olaga ma e lē gata e lautele atu i lo tatou mafaufau itiiti e lē mafai fo'i ona tatou mafaufauina. A tu'ua na o tatou e tauivi ma le fia malamalamaina o le Atua e lē mafai ona tatou fa'avaeina o ia o le Atua o le agalelei ma le alofa, fa'agesegese lona ita ma tele lona agalelei ma le fa'atuatua. E aunoa ma le fesoasaoni a Iesu, e fa'apefea ona tatou iloaina ona o tatou o ni fa'apotopotoga ua so'ota'i i tatou e pei o se aiga iā te ia? Ona o le Atua e alofa iā i tatou ma e mana'o iā i tatou e toe fa'afo'i atu lenā alofa, ua ia ofoina mai iā i tatou se fa'asoa i lona olaga. O lenā mana'oga ia tatou tu'uina atu o tatou loto e faia ma nofoaga a le Keriso toetū. Afai o tatou amioaga ua atagia mai ai le olaga a le Tasitolu, ona ave lea o le kalasia a lo tatou Ali'i o Iesu Keriso, le alofa o le Atua ma le mafutaga a le Agaga Pa'ia e tatau ona pulea a tatou upu ma amioga uma.

Mai le taimi na papatisoina ai i tatou i suafa e tolu a le Tasitolu, na tatou folafola atu ai tatou te ola ai o tatou olaga i lalo o la latou puipuiga ma faia mea uma lava i o latou igoa, a mae'a ai lenei olaga, o le a tatou o atu e feiloa'i atu iā i latou ma ola ai fa'atasi ma i latou mo le fa'avavau. Mo nei mea uma ina ia tupu e tatau ona tatou fa'alogi i le Agaga ua fa'aosofiaina i tatou ma ta'ita'i atu i tatou aga'i i luma i le sa'ilia o le moni.

ASO SA O LE TASITOLU PA'IA

O LE TINO MA LE TOTO PA'IA O KERISO – aso Sa 18 Iuni

O le Tino ma le Toto o Keriso (Corpus Christi) o le sulufaga ua tatou fa'aaloalo fa'apitoa ai le afio moni ai o Keriso i le Eukalisitia. I se i si manatu ua tatou toe faia le potopotoga matagofie a le Tausama'aga Mulimuli i le potu i luga ma le patipatiga ua talafeagai ai. E le'i mafaia lenei i le Aso Tofi Pa'ia ona i lenā taimi o le fa'apaologa o le koluse sa to'atugā mai tua. O Iesu Keriso, ina ia fa'aolaola ma manatua pea le gaioiga tele o lona alofa i luga o le Mauga o Kalevalio, i le afiafi i luma atu o lona maliu na tu'ua lona tino ma lona toto o ni mea'ai fa'aleagaga ina ia talia i augatupulaga uma.

O lenei mamalu o se avanoa matagofie e tomanatu ai i le meaalofoa uiga 'ese a le Atua iā i tatou ma se fa'amanatu talafeagai ina ia toe fa'afou la tatou fa'atuatua ma fa'aloloto la tatou talisapaia o le afio moni ai o Iesu i le Eukalisitia. O ia o le falaoa ola ua auina mai ai le lagi o se mea'ai mo a tatou agaga ina ia fa'amalieina ai o tatou galala loloto fa'aleagaga. O le Eukalisitia ua foafoaina maia le Keriso na maliu mo a tatou agasala ina ia tatou maua le ola ma le fa'aolataga. O le Alo o le Atua ua le aumaia iā i tatou se isi fa'amaoniga tele o lona alofa.

Ona o ni tagata faimalaga i le ala o le ola ua tatou puapuagatia ai mai le tele o galala 'ese'ese ae o le galala sili o le fa'anaunauga mo se uiga loloto ole olaga. O le mea lenei e leai se falaoa fa'alalolagi nei e mafai ona fa'amalieina i tatou. I la tatou tauiviga e mauaina se mafua'aga, o le Eukalisitia o se fesoasoani tele ona o se vala'ulia mo tatou ina ia mulimuli iā Iesu. I le aga'i atu i le auala sa ia savalia ma le faia a lo tatou taumafai ina ia fa'ata'ita'i i lona olaga o le alofa ma le fa'asoa ua tatou fa'asolosolo lemū atu ai ona va'aia le taūa o le tu'uina atu fa'amuumua o le lelei laua'itele o tagata i luma atu o a tatou lava mana'oga.

Afai ole fa'asoaia i le Eukalisitia e tele atu lona uiga i lo le alu i le Misasa ma maua ai le mea'ai mo tatou lava olaga fa'aleagaga, e tatau ona tatou avatu i tatou i luga atu o fe'ese'esea'iga ma le leai o se faimea tonu a le sosaiete ua fevaevaea'ina ai i tatou ma taofiofia ai i tatou mai ni feso'ota'iga vāvālalata i totonu o a tatou lava fa'apotopotoga. O lona uiga o le tatalaina atu o faitoto'a o tatou loto ma o tatou aiga ma talia tagata e pei ona latou i ai.

I o tatou faiga masani ai i aso ta'itasi tatou talosaga atu e fa'amagalo, 'aua le va'ai i le vaivai ma ia malamalama i le fa'aletonu o ni fa'auō aemaise pe a latou fa'atigā mai iā i tatou. O le Eukalisitia o lona uiga o le ola ai o ni uso ma tuafafine a Iesu. E leai se auala e mafai ai ona tatou ofoina atu ai i tatou i le Atua i le Eukalisitia e aunoa ma le taumafai e alofa atu i lou tuā'oi na lē faia e pei ona fa'apea ona faia mai i lona vaiaso. Mo le Atua ina ia alofa e ala atu iā i tatou e tatau ona tatou taumafai e alofa atu fo'i. E tatau ona tatou o atu ma pa'i atu i olaga o isi, ia avea ma se fa'aleleiga i le fa'atasi atu i ai, avatu i ai se lima fesoasoani, se leo o le alofa ma upu fa'amalosi'au pe a mana'omia. I lenei auala o le a faia ma fa'atonutonu ai i tatou i mea ua tatou patipatia.

O le a tonu le taūa o le fa'amamaluina o lenei sulufaga i le asō, o le Tino ma le Toto o Keriso? O le tali ua tu'uina mai iā i tatou i gaioiga fa'avae a lenei patipatiga ua tatou faia nei: muamua ua tatou potopoto fa'atamilo i le aletale ale Ali'i, ina ia tatou fa'atasi ai i lona afio ai; lona lua o le i ai o se polesesio, o le savavali fa'atasi ma le Ali'i; ma mulimuli lava, to'atutuli i luma ole Ali'i, ifoga, ua amata i le Misasa ma fa'atasi atu ai i le polesesio atoa ae o lona fa'atumutumuga lava i le taimi mulimuli o le Fa'apa'iaga Fa'aeukalisitia pe a tatou ifo ma fa'aaloalo i le Tasi na sau i lalo nei iā i tatou ma aumai lona ola mo tatou..

Corpus Christi ua fa'amanatu mai iā i tatou e muamua i nei mea uma: o le avea ma Kerisiano o lona uiga o le potopoto mai fa'atasi mai itu uma o le lalolagi ina ia i ai i le Afio ai o le Ali'i e tasi ma avea ua tasi ma ia ma i totonu o ia..

Fa'atasi ai ma le mealofa o ia lava i le Eukalisitia o le Ali'i Iesu ua fa'asa'olotoina i tatou mai a tatou ma'i "pipili" ua ia fesoasoani e fa'atuina i tatou i luga ma mafai ai ona tatou aga'i atu i se isi sitepu i luma ma le isi, ona faia lea mo tatou ina ia tatou savavali atu ona o le mana o le Falaoa o le ola.

ASO SA O LE TASITOLU PA'IA

O le polesesio ale Corpus Christi ua a'oa'oina ai i tatou o le Eukalisitia o lo'o sa'ili e fa'asa'olotoina i tatou mai so'o se ituaiga o fa'anoanoaga ma le loto vaivai, mana'o e si'itia i tatou ina ia mafai ai ona tatou faia le malaga ma le malosi na aumai e le Atua e ala mai iā Iesu Keriso...

O tagata ta'ito'atasi ua mafai ona sailia o latou ala pe afai ua feiloa'i atu i le tasi o ia o le Upu ma le Falaoa o le Ola, ma tu'uina atu iā ia lava le ta'ita'iga i lona 'au ai fa'aleuō. E aunoa ma le Atua -ma-i tatou, o le Atua ua latalata mai, e fa'apefea ona tatou tau'ave le malagasā o lenei olaga, pe ua na o tatou po o se sosaiete ma se aiga o tagata?

Na foafoaina i tatou e le Atua i le sa'olotoga ae: sa ia faia o ia lava ma "ala" ma sau e savavali fa'atasi ma i tatou ona i o tatou sa'olotoga e tatau fo'i ona tatou mauaina le fua fa'ataua tatou te mana'omiaina e fuafua ai le auala sa'o ma fa'aoga ai..

O le fa'amemeloina o le Atua a Iesu Keriso, na faia o ia lava ma falaoa ua tofitofiina ona o le alofa, o se fa'aleleia a'ia'i ma le mata'utia aga'i atu i le ifo i tupua i taimi ua tuana'i ma le taimi nei. O le to'atuli i luma o le Eukalisitia o se sa'olotoga fa'apolofesa: o latou ua ifo atu iā Iesu e lē mafai ma e tatau ona fa'aalalo i latou lava i luma o le pule fa'alalolagi nei, e ui e malosi tele.

Tatou te ifo i luma o se Atua na mua'i punou i luga o le tagata e pei o le Samaria Agalelei e fesoasani iā te ia ma toe fa'aleleia lona olaga, ma o lē na to'atuli i o tatou luma e fufulu o tatou vae palapalā. O le fa'amemelo i le Tino o Keriso o lona uiga o le talitonu o lenā fasi Falaoa, o Keriso o lo'o i ai fa'amaoni, ma aumai le manatu moni i le ola, i le atulaulau tele aga'i atu i le meaola itiiti lava, aga'i atu i le tala'aga a le tagata atoa i le vaega ua itiiti lona ola. O le ifoga o le tatalo ua fa'aumiumi ai le patipatia ma le Komunio Fa'aeukalisitia e fa'aauai ai le fafagaina o le agaga: ua fafagaina i le alofa, fa'amaoni, filemu; ua fafagaina i le fa'amoemoe ona o le Tasi ua tatou punonou ai i ona luma e lē fa'amasinoina i tatou, e lē tu'imomoina i tatou, ae fa'asa'olotoina ma sui ai tatou.

O le mafua'aga lea ua tatou potopoto ai, savavali ma vivi'i fa'atasi ma fa'atumulia ai i tatou i le fiafia.

ASO SA SEFULUTASI O LE TAUSAGA

I lenei va'aiga o lo tatou Ali'i ua auina atu ona so'o fa'atoa filifilia mai se fa'apotopotoga laua'itele, i se tala'iga fa'ata'ita'i i le amataga o la latou misiona. O le fa'alauteleina o a latou mea e fai ua tau o le va'aia o a latou lava tagata – o le motu o tagata ua leai se ta'ita'i ua foliga mai o ni tagata ua lei- loa, ma leai se ta'ita'iga. Ua alofa atu Keriso i lo latou puapuagatia ona ua pei i latou o ni mamoe ua leai se leoleo mamoe, ma na liliu atu lana va'ai i le fa'aleleia o lenei mafatiaga. O le tala'iga a nei ulua'i so'o ua fa'asolosolo ona talatala malie mai ma o se tasi o le alofa ma le fa'amagaloga, fa'atasi ai ma le taumafaiga tele i se fa'aleleiga fa'aleagaga ma le fa'aletino. O la latou matafaioi o le avea ma a'oa'o ua folafolaina le galuega lavea'i a le Atua. Ua ia avatu iā i latou le pule e fa'ate'a 'ese ai agaga e lē mamā ma fa'amaloloina latou e mama'i ma fa'ama'i o so'o se ituaiga. O latou ia o le paoa ua fa'atinoina ai e Keriso lana ia lava tala'iga pe a alu atu e a'oa'o ma tala'i i Kalilaia.

O fuafuaga a Iesu mo le iloaina o ona manatu o le malō o le lagi i le lalolagi nei o le fa'ailoa atu lea iā i latou na mulimuli iā te ia e folafola le galuega lavea'i a le Atua. E aogā ona maitauina ua utiuti le taimi ma le leiloa atu o le seleselega o agaga ua lata mai, ua una'ia e Keriso ona so'o e 'aua na ona una'ia atu i latou i gaoiga ae ia fesoasani iā i latou iā latou galuega. O tatalo e fesoasoani iā i tatou e iloa ai o lo'o vala'auina i tatou e le Atua ma fa'amalosia'u i tatou e ola ai iā tatou matafaioi o ona tagata. I tatalo ua tatou talisapaia atoatoa le ogaoga o le agasala, le tāua o le alofa o le Atua ma le tele o lona alofa mo tagata agasala. E ala i tatalo ua tatou fa'asoa ai i le olaga o Keriso i le auala uiga'ese na faia ai e le au aposetolo.

E ui ua ave'esea i tatou mai le 2,000 tausaga mai le taimi o Iesu, o tatou o 'au'auna a le ekalesia ma e fa'amoemoeina mo le avatuina o le fe'au a le Atua i le lalolagi. Ona o tatou o Kerisiano o la tatou matafaioi o le fa'auau lea o le galuega a Keriso. Ua na o a tatou upu e mafai ona tautala atu i tagata ma fa'ailoa iā i latou ua lata mai le malō. O la tatou tala'iga ua ia fa'amalosi'auina ai le fa'aliliuga i le fa'ailoa mai le i ai o le fa'aolataga. I le ogatotonu o fa'amasinoga, pe a tatou va'ava'ai i fa'afitauli fa'aletagata ma le loto malamalama, tatou te aumai lana fa'amalosi'au ma fa'ailoa e o'o lava i oga-

ASO SA O LE TASITOLU PA'IA

totonu o fa'afitauli o lo'o i ai se tasi e manatu mai. Tatou te tala'i leleia le fe'au a Keriso i le tomanatu ai i lona ta'ua i o tatou olaga – gaioiga fa'aopoopo i ai upu ma fa'aali atoatoa le moni ma le fa'amaoni o mea ua tatou tautatala ai. Afai o tatou o ni fa'asalalaua lelei mo le ekalesia, o le to'atele o le 'au le fa'atuatua tatou te feso'ota'i atu i ai, atonu o le a fa'aopoopo se isi la'asaga atu i luma ma iloaina ai Keriso. E le o se lu'itau e itiiti le avefa ma avefa'au a Keriso ona e mana'omia se galuega tele ma le loto atoatoa.

ASO SA SEFULULUA O LE TAUSAGA

O nei aso i le 'ese o manatu a tagata i le fe'au a le evagelia, e lelei le toe manatua fa'atonuga na avatu e Iesu i ana aposetolo a o ia tapena i latou mo le misiona o le tala'i atu. Latou sa tete'e i le evagelia ua mautinoa ma na ia fa'aalia ia i latou ni lamatiaga o le a feagai ma i latou. O tagata e i ai le tevelo o le a fa'aalia ma e le taliaina a latou tala'iga ma o le a faia ni uiga fa'asaua ia i latou. O la latou misiona i se lalolagi e le faufauina e taliaina le tala lelei o le a feagai ma ni te'ena. O le evagelia o se fa'amanatu e le mafai ona tatou fa'amoemoe fa'apotopotoga o lo'o si'osi'omia ai i tatou e talia a'oa'oga a Keriso ma le fiafia. E le'i natia e Iesu le tulaga o latou o lo'o tala'ia le upu a le Atua o le a puapuatia ma te'ea, ae sa ia fa'amalosi'au ia i tatou e fa'ailoa atu o tatou e avefa o ni molimau mo ia ma 'aue le fefe i le finau atu o se molimau maumaututu i le moni ma le fai meatonu e ui i le le amana'iaina o lena faiga ma le le amana'iaina ai o tatou.

O le mata'u o se lagona ua tatou masani ai ona e masani ona fa'aletonu ai o tatou olaga ma taofiofia ai i tatou e avefa o ni tagata ua tatou manana'o ai. E mafai ona tatou mafafauina le tele o tulaga i o tatou olaga e vaivai ai a tatou tali atu ia Keriso ma le loto le atoatoa. Ona o popolega ina ia ulagia mai, i le maotua o manatu pe ua va'aia e vaivai e masani ona tatou vaivai e fai atu i mea ua tatou iloaina e moni ma tonu i o tatou loto. Atonu o ni fa'au'u ua tatou fa'atasi i ai o se fa'amata'u lea o le ave'eseina atu o nisi u'u, i le alu atu i le falesa, musu i le fe'avea'i o tala ua fa'aleagaina ai le igoa o se isi, po o le fai atu e leai i ni inuga o le 'ava malosi po o ni vaia'au malolosi. Mo le tiapolo e manumalo, pau le mea e mana'omia mo tagata lelei e 'aue le faia o se leo. O le finauga i foliga ale fa'aosoosoga e tu'ua o tatou mataupu fa'avae ona o tauemuga ma le 'a'amu a isi o le a si'isi'i a'e i aso ta'itasi ma lu'itauina ai o tatou fa'aaloalo i a'oa'oga a Iesu Keriso.

O le tala'iga a Iesu o le folafolaina o le alofa a lona Tamā ma e le to'ilalo lava i le faia o lea galuega. E le mafai ona avefa se tasi ma se isi e mulimuli ia Keriso e aunoa le faia o se gaioiga o le mafanafana i lona galuega i le fa'ailoaina atu o le fe'au a le malō. Afai o le upu a le Atua ua fa'asa'olotoina ai i tatou e faia e pei ona i ai o tatou loto maumaututu ona tatau lea ona tatou tatalo mo le kalasia e ave'esea ai o tatou matata'u. E tele tulaga i le olaga e aoga ai le manatuina o upu ia a le Ali'i, 'Aue le fefe.' O le a lava le mea e tupu, o le Atua lava o lo'o pulea. O ia e ana le lalolagi. O lona mana ma lona Agaga o lo'o galue i totonu o tatou ma ia tatou mautinoaina ma lona alofa tutumau. A mae'a la tatou malaga fa'alalolagi nei o le ta'uta'uina o le Tala Lelei, o le a ia ta'ua i tatou o ana fanau i luma o lona Tamā.

Galuega ale Au Aposetolo (*fa'auaua mai lomiga talu ai*)

18: 18 – 28 O nisi o fa'aopoopoga o le tala'iga ma le tu'ufa'atsia o Apolo

O fuafuaga a Luka i vaega o totoo o le mataupu 18 e foliga mai o le autu o le aumaia o se taeofa'i o mea na tutupu i le va o galuega a Paulo i Korinito ma ana galuega i isi 'a'ai tetele, Efeso (e pei ona i ai i Galuega 19). O le lipoti ua fa'ailoa mai ai foliga o le autu i fa'auigaga o Luka. (1) ua fa'auau e Paulo ona galue o se tagata Iutaia. (2) Ua ia fa'auauina lona tala'iga i ona tagata Iutaia (sa ia talanoa ma tagata Efeso i le fa'apotopotoga o le malumalu). (3) Sa feso'ota'i pea ma ta'ita'i o le ekalesia i Ierusalem (v.22). O le misiona Kerisiano ua fa'auau i se faiga lelei. Mo se fa'ata'itaiga, na toe asia e Paulo ma fa'amausalī fa'apotopotoga na fa'avaeina i Ferukia ma Kalatia. Ina ua taunu'u Apolo, o se fai lauga atamai mai Kerisiano Helenisi/fa'apotopotoga Iutaia a Alesana, na taunu'u i Efeso ma amata ai ona tala'i le "Le Ala o le Ali'i" ma le naunauta'iga, ae le atoatoa, o latou sa galulue fa'atasi ma

Galuega ale Au Aposetolo (*fa'auaua mai lomiga talu ai*)

Paulo, o Pisila ma Akula, na fa'amatalaina atu atoatoa le ala aga'i atu iā te ia. O le malaga mai a Apolo mai Efeso aga'i atu i Akai na faia i le fautuaina a Kerisiano Efeso.

(O le malosi ale tala'iga a Apolo na mafai ai nisi sa ia a'oa'oina ona o le a fa'avaeina se ituaiga o "Sa iā te a'u le Apolo maoa'e o sa'u faia'oga", a o Paulo o le fa'ailoa atu lenei mataupu i le 1 Korinito 1 – 3 va'ai fa'apitoa 1 Korinito 3: 6: Na ou totōina, na fa'asūsūina e Apolo, ae peita'i o le Atua ua fa'atupuina."

19: 1 - 40 o Paulo i Efeso: O le Ala a le Ali'i Iesu fa'afeagai atu i maneta ma le if oi tupua mai le 'a'ai a Asia (19: 1 – 12)

O le feiloa'iga a Paulo ma le to'asefulu lua o "so'o" Efeso o latou ia e le'i taliaina le Agaga Pa'ia ua mauaina mai ai ni a'oa'oga tutusa fa'atasi ma mea na tutupu talu ai – o fa'atonuga a Pisila ma Akila ia Apolo. O la'ua fo'i ia na a'afia i le a'oa'oina o so'o sa va'aia e le'i atoatoa. O lē atoatoa o Apolo sa ma'ale'ale: e ui sa a'oa'oina o ia i Ala o le Ali'i (vv.25 – 26; va'ai 9: 2; 14: 16; 16: 17) ma a'oa'o lelei e uiga iā Iesu ma sa finafinau i le agaga, sa ia iloaina na o le papatisoina o Ioane, e le'i fa'amatalaina o se fa'atumulia e le Agaga, ma e mana'omia ona a'oa'oina lelei ma sa'o e uiga i le Ala. Fa'apea fo'i, o nei Efeso e to'asefululua, ua foliga ua misia le a'oa'oga a Akila, Pisila ma le au Apolo na toe fa'afouina, fa'apea na iloaina le papatisoga a Ioane ma e le'i fa'alogo lava sa i ai se Agaga pa'ia.

E pei o le tulaga i le liliuga ale aiga a Konelio (10: 44 – 46), o se "Penetekoso – itiiti' na mulimuli mai ai. O nei fa'amatala e lua o le "fa'atonuina" o so'o ua ta'u maia iā i tatou ni mea manaia se lua e uiga i le ekalesia ua tau amata: (a) o le fa'atosinaga a Ioane le Papatiso sa sili atu lona malosi i lo le fa'atāuina na tatou avatu iā te ia, ma (b) tu'ufa'atasia o le talitonuga ma faiga masani i totonu o le ekalesia o se tauiviga mai le amataga.

O fa'amatala pu'upu'u i le mataupu 8 – 12 ua fa'aali mai ai le fa'atusa o le isi luasefulu fitu masina a le fa'aevageliaina a Paulo. E ui i te'ena i taimi ua tuana'i, o ana taumafaiga e aumai muamua le Tala Lelei ale Atua i ona tagata Iutaia na fa'auauina i se semina mo le tolu masina i le sunoka a Efeso. Ona o lenei taumafaiga e le'i faia e aunoa ma se alualu lelei o lo'o taufa'ailoa mai i le fa'asino i le so'o na alu Paulo ma ave ina ua tupu se vevesi na mafua ai ona suia le nofoaga i le fale o Turano.

I le lua tausaga na soso'o ai na ave ai Efeso ma ogatotonu o le misiona na fa'aevageliaina ai le pito nu'u atoa o Asia, "o tagata Iutaia fa'apea Eleni." O le fa'amatalaga o fa'amalologa na tupu e o'o lava mai lavalava ma tali'ele'ele na pa'i atu i le pa'u a Paulo na fa'ailoaina mai ai o le 'au'aunaga fa'amalologa na amataina iā Iesu (Luka 8: 44 – 47, le fafine ma le puna toto) ma fa'auau atu ai iā Peteru (Galuega 5: 15 – 16) tumau pea i le au Aposetolo aga'i atu i Tagata o Nu'u'ese. Va'ai le fa'asinoga a Paulo lava ia i ana galuega o se "o mea ua ausia e Keriso e ala atu iā te a'u e ta'ita'ia Tagata o Nu'u'ese i le usitai i le upu ma gaoiga, i le malosi o fa'ailoga ma matagofie..."

19: 13 – 20 O le malosi o le igoa a Iesu fa'afeagai atu i temonio ma maneta

O le malosi o le Ali'i toetu o Iesu i luga atu o malosi'aga tauvā a lenei lalolagi o lenei ua fa'aalia e ni talafa'asolopito fa'afiafia e uiga i temoni, maneta ma le ifo i tupua.

Ina ua taumafai atali'i e to'afitu a le ositaulaga sili o Seva e fa'asao mai se ali'i mai sauaga fa'ate-monio i le fa'aogaina o le igoa a Iesu i se faiga fa'amaneta, sa a'oaina i latou, fa'avaivaiina, ma tuli 'ese atu, telenonoa ma fa'amanu'alia. O le mana fa'aleagaga o le igoa o le Ali'i Iesu, a fa'aoga lelei, ua faia ai togafiti fa'ataulaitu, na fa'apotopoto e i latou tusi, ma susunu ai i luma e i latou sa liliu mai iā latou faiga fa'amaneta (v.19) ...*fa'auau pea...*

VAIASO O LE GAGANA SAMOA I LE KOLISI A VIARD

Photos by Nick Meli



10



Mataio 2: 1 – 23. O Le Sosologa i Aikupito

Ua na o le tasi se mea na tupu ua fa'amatala e Mataio i le olaga o Iesu i luma mai o lona papatisoga, ua tatou manatu ai na filifilia ma le fa'aeteete ma e i ai lona ta'ua fa'apitoa. O lona vaega fa'apitoa ua fa'aalia fo'i e le tulaga mai le fa o va'aiga ua na o le tasi ua fatuina i lalo o le ta'ita'iga a le Atua, e le o le fetu po o le upu a se agelu. O le fa'asauaga a Herota o tamaiti pepe – mo mafua'aga manino – e le'i ta'ita'ia. Ae e ui i lea, o lenei mea na va'aia o lo'o i le tausiga fa'apitoa ale Atua, ona o Mataio o lo'o fa'aeteete ina ia maitauina o lo'o fa'ataunu'uina ai fo'i le tusitusiga pa'ia. E masani ona fa'ailoa mai e Mataio o Iesu i so'o se auala e masani ona fa'ataunu'uina le tusi pa'ia – po e ui o lo'o gaiou i se fa'asologa fa'apitoa ina ia fa'ataunu'u ai tusitusiga pa'ia – i taimi ua tatou manatu ai o le tala ua aumai ua fa'amalosia tele.

O fa'amatalaga Iutaia o le tusi i lenei taimi ua matua'i moni lava. Sa mafauina e latou o lo'o usita'ia le Tulafono le fa'apipi'i i se tasi o upu ma fa'auiga 'ese mai i lona fa'aogaina i se mataupu. O lenei uiga na amata mai i se fa'aaloalo ua fa'ateleina e le tusi pa'ia ma se fa'anaunauga e sa'ili se anoano o se 'oa tele mai a'oa'oga ta'itasi. I le faiga lava lea e tasi, na talitonuina o tusitusiga pa'ia uma o lo'o tautala mai ia Keriso, fa'amatalaina lenei talitonuga i le fa'apea mai o se feso'ota'iga i le va o mea ta'itasi na tutupu i le olaga o Iesu ma tusitusiga mai le tusi pa'ia; ae o le moni lava o le gaiouga atoa a le Feagaiga Tuai ua manavaina Keriso i lo tusitusiga ta'itasi.

O le a le mea ta'ua fa'apitoa sa va'aia e Mataio i lenei sosolaga i Aikupito ua ia aumaia ai mai isi vaega o le taimi o laitiiti Iesu? Mai le fa'amatalaina o lana tala, o lo'o manino mai ai ua ia va'aia Iesu i lenei tala o le Mose lona lua. Ua faia e pei o fa'amoemoga a Iutaia o le Mesia, ona o ia e fa'ataunu'uina perofetaga a Mose: *“E fa'atuina e le Ali'i lou Atua mai ia te oe, o so lou au uso, se perofeta mo oe e pei o a'u nei”* (Teuterenome 18: 15). E pei ona mauaina e Mosa tagata tuai a le Atua ma ta'ita'iina i latou i le sa'olotoga, ua fa'apea fo'i Iesu i le fa'avaeina o ni tagata fou ma ta'ita'ia i latou i se malo fou. O lenei manatu e tupu so'o, e ui, ia Mataio, aemaise i le sini autu o ni tagata fou ua a'afia ai tagata o nu'u'ese fa'apea tagata Iutaia o le sui a tagata tuai na filifilia.

Ona o Iesu o le Mose lona lua na perofetaina ua fa'aalia e fetusia'iga manino a tala i le Mataio 2 fa'atasi ai ma tala a Mose i luma atu o le sosolaga, e pei ona fa'amatalaina e se tu'u fa'atasia o le tusi pa'ia ma tu masani a Iutaia. I le fanau ai o Mose o le tupu o Aikupito sa miti o se tasi ua fanau mai o le suitulaga ia te ia; o lenei o le 'a'ai atoa ua fa'aletonu (e pei o Ieruselema i le 2: 3) ma na talanoa le tupu i ana ali'i atamamai ma le au faitau fetu (E pei o Herota i le 2: 4). Sa latou fautua atu ia te ia ina ia fasiotia uma pepe tama, le mea sa ia taumafai i ai, e aunoa le a'afia ai o le “tupu” fou (e pei o Herota i le 2: 16). I se aso na mulimuli mai ai sa fa'amalosia Mose e sola ese atu mai le nu'u na fanau ai (e pei o le aiga pa'ia i le 2: 14); sa nofo fa'aunu'u ai se'ia ona mauaina le fe'au mamana e toe fo'i i lona aiga au'ua oti tagata uma e na fia fasioti ia te oe' (Esoto 4: 19 o upu ia ua tutusa ma Mataio 2: 20). O le mea lea ua tu'u fa'atasia ai e Mataio tala 'ese'ese ia e lua e uiga ia Mose e fa'amatala ai le malaga a le aiga pa'ia. I le lona lua, o igoa o nofoaga e tatau ona toe fetu'una'i, mo Mose na sola mai Aikupito a o Iesu na sola mai Palesitina aga'i atu i Aikupito.

O le fesili la ua tula'i mai nei pe na fa'atupuina e Mataio le mea lenei na tupu i le olaga o Iesu ina ia fa'ailoa ai o Iesu o le Mose lona lua. E mautinoa lelei e leai se mea e le mafai i le tala, mo Aikupito e le mamao ma Petele'ema i lo Nasareta, ma o Herota o se tupu e sau' mo nisi o fa'atauvā mai na ia fasiotia ai le tele o ona aiga; e le ono pa'u i

ni pepe tama na fananau i le lua tausaga i se tama'i nu'u i luga o mauga. Pau le vaega e lē manino pe na fa'apefea ia Mataio ona iloaina lenei tala mamalu. Ua pau le puna'oa o lana evagelia ua foliga mai o evagelia a Mareko ma ni tu'u fa'atasiga o fa'aupuga a Iesu (sa ia fa'asoa ai ma Luka). Atonu sa ia mafai ona mauaina mai le malamalama laua'itele Kerisiano e uiga ia Iesu na fanau mai le taupou i Petele'ema, e lē masalomia ua na o lenei tala o le sosolaga i Aikupito na sau iā ia e ala mai i tu masani. E mautinoa lava e o gatasi ma tusitusiga masani Iutaia mo Mataio i le teuteuina o le malaga mai Petele'ema aga'i atu i Nasareta i se auala e fa'aali mai ai e ui lava i lenei taimi o Iesu o le Mesia ma le Mose fou. Ae o le mautinoaina i lenei taimi e le'i mafai ma lē talafeagai.

Se tasi o elemene i le tala ua le a'afia se'i o'o mai le taimi lea: le au mataio ma la latou fetū. O tupu e to'atolu ua i ai le latou vaega ua a'afia tele ai i le manatu a Kerisiano ua fa'ate'ia ina ua iloaina i le tusitusiga e lē to'atolu po o ni tupu fo'i, ae ua na o ni ali'i atamamai po o ni faimaneta e le'i māua le fuainumera mai Palesitina i sasa'e, o le nofoaga masani o ali'i atamamai i tala Iutaia. O tala i fetū ma fa'ailoga o ni faiga masani i Palesitina i na taimi, e ui sa fa'asaina e talitonuga faalelotu', ma e masalomia o la latou mealofa iā Iesu ua fa'ailoa ai le folasaga iā Keriso a le fa'asainisi fa'ataulaitu. A o le fetū, e seāseā ona talafeagai ona sa'ili mo se Kometa e mafai ai ona fa'ailoa, ona o le va'aia o se fetū i le fanau mai o se ali'i tele e masani ona fa'amatalaina e lē gata i tusitusiga Iutaia aemaise ia fafo atu. O se fa'ailoga la, o se ali'i maoa'e ua fanau mai.

1. O a ni auala ua molimau ai le Feagaiga Tuai iā Keriso?
2. Pe i ai sona afaina i le 'sosolaga i Aikupito sa tupu i Aikupito? Pe mafai ona va'aia le toetū i le va'aiga lava lea e tasi?

FAITAUGA MO LE MASINA O IUNI – 2023

ASO 4 IUNI - ASO SA TASITOLU PA'IA

Faitauga muamua – Esoto 34: 4 – 6, 8 – 9. Matua: O le Ali'i, o le Atua alofa mutimuti vale ma le alofa fua.

Salamo – Tanielu 3: 52 (tali), 53 (tali), 54 (tali), 55 (tali), 56 (tali), 57 (tali). Tali: Ia vi'ia le Ali'i ma ia fa'asilisilia i augatupulaga uma.

Faitauga lona lua – 2 Korinito 13: 11 – 13. Matua: O le alofa tunoa o le Ali'i o Iesu Keriso, ma le alofa o le Atua, atoa ma le mafuta fa'atasi ma le Agaga Pa'ia.

Aleluia, Aleluia...O le vi'iga i le Tamā, ma le Alo, ma le Agaga P'aia, o le Atua lava o lo'o soifua, na soifua fo'i, o le a afio mai...Aleluia.

Evagelia – Ioane 3: 16 – 18. Matua: Na auina mai e le Atua lona Atali'i, ina ia fa'ao-laina le lalolagi iā ta ia.

Tofitofiga o le Upu:

O le tusi muamua a le Tusi Pa'ia, le tusi a Kenese, o lo'o ta'ua le Atua o lo'o fa'apea mai, "Inā tatou faia ia o le tagata i lo tatou fa'atusa..." O Tagata Iutaia a le Feagaiga Tuai sa talitonu sa'o lava i latou na o le tasi le Atua ae o le tele o atunu'u sa si'osi'omia ai i latou sa talitonu i le tele o atua. Ae i le fuaiupu fa'atusi pa'ia, o lo'o talanoa mai le Atua i ni leo e tele, "Inā tatou faia ia o le tagata i lo tatou fa'atusa..." O le fa'aupuga – *tatou* – o lo'o fa'ailoa mai ai e sili atu i le tasi le tagata i le Atua. E le'i fa'aalia atoatoa

FAITAUGA MO LE MASINA O IUNI – 2023

mai e le Feagaiga Tuai le misitelio o le Tasitolu Pa'ia i le tagata Iutaia, ae mai lea taimi i lea taimi sa aumaia ni fa'aailoga o lea vaega. O se tasi o nei fa'aailoga o le fa'aaliga ale Atua iā Aperā'amo i le vanu o Mamere. O i'inā na fa'aali ai ni ali'i talavou se to'atolu iā Aperā'amo ma o latou uma na tautatala fa'atasi. Ae ui i lea na latou tautatala uma i se leo e tasi.

Ina ua sau Keriso i le lalolagi nei, sa taofiofi mai le a'oa'oina atu e uiga i le Tasitolu Pa'ia o se tusitusiga ale fa'atuatua i ulua'i aso o lona olaga tala'i. Sa ia atina'e ma fa'aali mālie atu lenei misitelio; mo se fa'ata'ita'iga, i le evagelia o le asō ua talanoa atu Keriso ia Nikotemo, “Auā ua fa'apea lava ona alofa mai o le Atua i le lalolagi, ua ia aumai ai lona Atali'i e to'atasi...” O upu nei iā Nikotemo na fai atu ai Keriso i le amataga o lona olaga tala'i.

I se taimi mulimuli ane na amata ai ona tautala atu Iesu i le Agaga Pa'ia i ana Aposetolo. Fai mai o ia o le a ia auina atu le Agaga Pa'ia, le Agaga o le Moni, le Fa'apa'iaina, i luga o latou. I le mae'a ai o lona tuetū mai le oti, sa fai atu iā i latou e tataua ona ia toe fo'i atu i lona Tamā i le lagi po o le Agaga Pa'ia, le Fesoasoani, e le sau ia i latou. I le Tausama'aga Mulimuli na fai atu Keriso, “Ou te fai atu fo'i i le Tamā, ona foa'i mai ai lea e ia iā te outou le tasi Fesoasoani.”

Ina ua papatisoina e Ioane le Keriso Papatiso i le vai o Oritana, o le tolu peresona a le Tasitolu Pa'ia na fa'aalia i latou lava i le lalolagi nei. Na fai mai sagato Ioane sa va'aia le lagi ua tatala ma le Agaga ale Atua ua sau e pei o se lupe. Ona lagonaina lea o se leo mai le lagi ua fa'apea mai, “O lē e te iloa le Agaga ua afio ifo i ai ma nofo i luga iā te ia, o ia lava lea...” I lenā lava taimi o le Atua le Tamā ua fa'alogoaina lona leo mai le āo. O le Atua le Alo ua papatisoina, ma le Atua le Agaga Pa'ia ua va'aia i le foliga o se lupe.

I se tasi o taimi na fesili atu ai Keriso ia Peteru i lona manatu o ai ia. Na tali Peteru o ia o le Keriso, le Alo o le Atua. Tali Keriso, “Amuia oe Simona Pāiona; auā e lē se tagata na ia fa'aali ai iā te oe, a o lo'u Tamā o i le lagi.” Ua fa'aali e Keriso o le Atua le Tamā ua feso'ota'i ma Sagato Peteru ma fa'ailoa atu le tagata moni o Keriso. Ina ua liliuina o Keriso i le mauga i luma o Peteru, Iakopo ma Ioane, le Atua le Tamā ua toe tautala mai le luga o le āo.

Ua fa'aalia e le Agaga Pa'ia o ia lava i le aso Sa o le Penetekoso i le va'aiga. Ua ia sau i luga o ulu a le au Aposetolo o lo'o potopoto i le potu i luga i Ierusalemā o ni laulaufaiva 'a'asa. Ua latou fa'alogoaina se suiga fa'aleagaga tele i o latou agaga. I le uma ai o lenei mea na tupu sa latou o atu ma le loto tele e tala'i le evagelia.

Ae le'i afio Iesu i le lagi sa fai atu i ana Aposetolo, “Ia outou o atu e fai nu'u uma lava ma so'o, ma papatiso atu iā te i latou i le suafa o le Tamā, ma le Atali'i, ma le Agaga Pa'ia...” O i'inei o lo'o fa'atonuina i latou e Keriso e avatu le Sakalameta o le Papatisoga ma faia i le suafa o le Tasitolu Pa'ia. O lana poloa'iga na fa'apea ona faia.

Ae ui i nei fa'aaliga, o le natura o le Tasitolu lava ia e tumau o se misitelio. E leai se fai telosia ua malamalama a'ia'i pe o le a malamalama pe fa'apefea ona i ai ni peresona e tolu i le Atua e pa'ia e tasi. O lona ūte ua i luga atu o le malosi o a tatou mafaufau.

Sa faia e Sagato Patelesio se fa'atusa fa'atauva'a i le a'oa'oina atu e uiga i le Tasitolu Pa'ia i tagata Aiolani. Sa ia fa'aogaina le lau la'au e ta'ua o le shamrock e tolulaula'au

FAITAUGA MO LE MASINA O IUNI – 2023

e pipi'i fa'atasi sa fa'ailoa ai e tasi le lau la'au ae tolu ona lau e pipi'i fa'atasi. E fa'apea fo'i o lo'o i ai le Atua e tasi ae tolu ona Peresona mamana.

Ia tatou fa'afetai atu i le Atua mo le fa'aaliga o le misitelio o le Tasitolu Pa'ia iā i tatou. Ia tatou tatalo o le a o'o mai le aso tatou te fiafia ai i le afio ai o Peresona e tolu i le malō o le lagi.

ASO 11 IUNI – SULUFAGA O LE TINO MA TOTO PA'IA O KERISO

Faitauga muamua – Teuterenome 8: 2 – 3, 14 – 16. Matua: Ua na fafaga iā te oe i le manai, o le mea na e lē iloa, na lē iloa fo'i e ou tamā.

Salamo 147: 12 – 13 (tali), 14 – 15 (tali), 19 – 20 (tali). Tali: Ierusalema e, ia e vivi'i atu i le Ali'i.

Faitauga lona lua – 1 Korinito 10: 16 – 17. Matua: Ua tino e tasi i tatou, e ui ina to'atele, auā ua tofusua i tatou uma i le areto e tasi.

Aleluia, Aleluia... O a'u o le areto ola na alu ifo mai le lagi; pe a 'ai se tasi i lenei areto, ona ola ai lea o ia e fa'avavau... Aleluia.

Evagelia – Ioane 6: 51 – 58. Matua: O lo'u tino o le mea e 'ai moni lea, o lo'u toto o le mea e inu moni lea.

Tofitofiga o le Upu:

14

I le fa'avaeina o le Eukalisitia Pa'ia ua iloaitino e se tasi ni sitepu e fa po ni la'asaga na faia e Keriso i le fa'avaeina:

O le Sauniuniga; (2) O le Folafolaga; (3) O le Fa'ataunu'uina o le Folafolaga; (4) O le Taliaina o le Eukalisitia e le au Aposetolo ma tagata o augatupulaga uma.

O le sitepu muamua, le tapenaga, na faia i Petesaita i Kalilaia, le nofoaga na faia ai e Keriso le vavega i falaoa e lima ma i'a e lua ma fa'ateleina ma fafaga ai le lima afe o tagata. O lenei fa'ateleina fa'avavega o falaoa ma i'a o se sauniuniga mo le Eukalisitia, ona na fa'aalia e Keriso o lo'o iā ia le malosi mamana e faia ai.

O le folafolaga o le Eukalisitia na tupu na o le tasi le aso na mulimuli mai ai i Kapenauma, o se nu'u e fa maila le mamao mai Petesaita. O le motu o tagata sa fafaga i le fa'ateleina o falaoa ma i'a sa mulimuli atu iā te ia i Kapenauma. O upu o le folafolaga o lo'o maua i le evagelia o le asō, "Pe a 'ai se tasi i lenei areto, ona ola ai lea o ia e fa'avavau."

E le'i uma atu lenei folafolaga na faia e Keriso – o le avatu o lona tino i tagata e 'a'ai ai ma lona toto e feinu ai – ona fa'alogoina lea o taumuimui a tagata ua fa'apea mai pe fa'apefea i lenei tagata ona faia lea. I lana tali na fai atu Keriso "E moni, e moni, ou te fai atu iā te outou, afai tou te lē 'a'ai i le tino o le Atali'i o le tagata, a lē inu fo'i i lona toto, ua lē i totonu iā te outou le ola." O lea ua ia faia le taliaina o le Komunio Pa'ia o se tulaga talafeagai mo le ola fa'aleagaga. O le la'asaga lona tolu i le fa'avaeina o le Eukalisitia o le fa'ataunu'uina o le folafolaga i le Aso Tofi Pa'ia. Na tupu lea ile talisuga mulimuli a le Fa'aola ma ana Aposetolo ae le'i fa'akoluseina. Sa ia tago ile falaoa ma le uaina ma fa'apea mai.. "O lo'u tino..o lo'u toto.." I nei upu sa ia liliuina le falaoa ma le uaina i lona tino ma lona toto. Ona ia avatu lea o le mana i ana Aposetolo i le fai atu, "Ia outou faia lenei ma fa'amanatuga o a'u."

FAITAUGA MO LE MASINA O IUNI – 2023

O lona fa ma le sitepu mulimuli i le fa’avaeina o le Eukalisitia o le taliaina o le sakalameta e tagata. O le au Aposetolo ma ulua’i suli a le Ekalesia na talia ma le loto malie; na latou fa’amaopo mai ma le alofa. Na o’o lava na avea ma aganu’u a le ulua’i Ekalesia e feso’ota’i atu ai le tasi i le isi i taimi uma e patipatia ai ma ofoina atu ai le Misasa Pa’ia.

Ae o le mea na mana’omia o se fa’aauauina o le taliaina o le Eukalisitia. Ae o lona fa’aletonu, i le vaitau o le Vaitausaga Ogototonu o lenei tapua’iga i le Sakalameta Pa’ia ua amata ona moumou malie atu. I le amataga o le seneturi sefulutolu o se taupousa a le ituaiga o Aukusitino, Sister Juliana o Cornillon, na to’atuli i faigā tatalo i le falesa. Sa vaia se fa’aaliga. O se fa’aaliga ale Falesa i lalo o se masina ua susulu atoatoa. Ae i le masina sa i ai se vaega e pogisā. Ona fa’aali mai ai lea o lo tatou Ali’i ia Sagata Iuliana ma fai atu i ai: Iuliana, o le mea o lo’o fa’alavlave iā te oe o se sulufaga o lo’o mana’omia i la’u Ekalesia, ua ou fa’anaunau e fa’avaeina. O le sulufaga lea o le Pa’ia Silisili ma le Sakalameta Pa’ia Silisili a le aletale. I le taimi nei o le patipatia o lenei misitelio o lo’o fa’amanatuina ua na o le Aso Tofi Pa’ia; ae i lenā aso o o’u puapuagā ma le maliu o vaega autū ia mo le fuafuaga; o le mea lea, ou te fa’anaunau se isi aso e fa’apitoa e patipatia ai e le aiga Kerisiano uma. Ma o ‘oe Iuliana, ua filifilia e avatu le avanoa mo le fa’avaeina o lenei sulufaga.”

Sa fa’aילוaina e Sagata Iuliana lenei mana’oga a lo tatou Fa’aola, ma i le afa seneturi na mulimuli mai ai O le Tamā Pa’ia na fa’avaeina i le lalolagi atoa le sulufaga mamalu o le Tino Pa’ia o Keriso, le sulufaga ua tatou patipatia i le asō, ina ia vivi’i atu ai i le Eukalisitia Pa’ia.

15

Ina ia fa’aatoatoa fuafuaga a Keriso mo le taliaina o le Eukalisitia i augatupulaga uma, o le fa’amamaluina fa’alaua’itele ia Keriso e faia i le Eukalisitia. Mo tatou i lenei vaitau o le luasefulu o seneturi folafola atu la tatou taliaina o lenei iā Keriso. I lenei sulufaga o le Tino Pa’ia o Keriso ua tatou fa’afou ai la tatou fa’atuatuaga i le tino ma le toto o Keriso o lo’o i luga o le aletale. Ia tatou avatu la tatou tapua’iga ia Keriso o lo’o afio i le tapenakulo. Ia tatou auai o le a tatou talia so’o o ia i le Komunio Pa’ia. Ua folafola mai Keriso “afai e ‘ai se tasi i lenei falaoa, o le a ia ola e fa’avavau.” Ia fa’amanuia le Atua iā te outou uma.

Aso 18 Iuni Aso Sa 11 Tausaga Masani – Faitauga muamua – Esoto 19: 2 – 6. Matua: E fai outou ma malō o ositaulaga, ma le nu’u pa’ia mo a’u.

Salamo 100: 1 – 2 (tali), 3 (tali), 5 (tali). Tali: O lona nu’u i tatou, o le lafu mamoe ia, ia fagina.

Faitauga lona lua – Roma 5: 6 – 11. Matua: Ua lelei i tatou ma le Atua i le maliu a lona Alo; e matuā fa’aolaina lava i tatou i lona soifua.

Aleluia, Aleluia...Ua liu tino tagata le Upu, sa mau fo’i o ia ma i tatou. O i latou uma e na talia o ia, na ia avatu i ai o lea manuia, ia avea i latou ma fanau ale Atua...Aleluia.

Evagelia – Mataio 9: 36 – 38; 10: 1 – 8. Matua: Ua vala’au atu e ia ona so’o e to’asefulu ma le to’alua ma ‘a’auina atu i latou.

Tofitofiga o le Upu:

O le tala i se tamaitiiti ma lona tuafafine e fa tausaga sa maua i se ma’i na mana’omia

FAITAUGA MO LE MASINA O IUNI – 2023

ai se toto. O le toto e tatau ona sau mai se tasi o le aiga e tutusa le ituaiga o le toto ma na manatu e tatau i lenei ali'i ona e talafeagai. "Atali'i, ete naunau e ofo atu lou toto ina ia ola lou tuafafine", o le fesili atu lea a le foma'i. Sa va'ai se foliga fa'ate'ia i lona folaliga ma na i'u lava ona fa'apea atu lenei atali'i: "Ioe, o le a ou faia."

O le toto ua talafeagai ua tui'eseina ma o lo'o ta'oto pea lava o ia i le moega. Ina ua ui ane se tasi o foma'i sa fa'apea atu lenei atali'i. "Foma'i, o afea ou te oti ai?" O i'ina fa'atoa iloaina ai e le foma'i e lē malamalama lenei atali'i – sa ia manatu e tui 'ese uma atu lona toto mo lona tuafafine. Sa vave ona fa'amafanafana atu le foma'i iā te ia ua na o se vaega itiiti o lona toto ua tui 'ese ma e le oti ai o ia.

Na avatu e Iesu Lona toto ATOA mo ona tuafafine ma uso. "O Lona toto ua lavea'ina ai i tatou." O le Fa'aola o la tatou fa'ata'ita'iga sili lea e fa'avavau o le faigataulaga iā ia lava. O le tasi na ola ma maliu se olaga sa fa'amealofa atu atoatoa i isi. A o pepe o ia "sa leai se moega pepe" ina ua matua sa leai se mea e "taoto ai lona ulu." Sa ia fai mai o manu felelei ma luko e i ai a latou fa'amoega ma āna ae a o ia faimalaga e ala i lenei olaga, sa leai se nofoaga mo ia ua ta'ua o se aiga.

O lo'o maofa Paulo i le faitauga lona lua o le asō na savali atu Iesu i le ala aga'i atu i le fa'asauaga ma fa'anaunau e talia le oti, o se ituaiga o ave fa'apagotā ona o tatou. O le uiga 'ese ona e le'i avatua e Iesu lona toto e lē mo aiga po ni fa'auō ae mo le faitau piliona o tagata e le'i iloaina o ia pe alolofa atu fo'i i ai.

16

Ua toe manatua e Mataio i le faitauga o le Evagelia o le asō le mutimuti alofa o Iesu mo le motu o tagata. Sa ia va'aia i latou o ni mamoe ua leai ni fa'amoemoe, te'ena ma o le mafua'aga lea na ia filifili ai le ulua'i to'asefululua e ta'ita'ia, fafaga ma fa'amaloloina i latou. E le mafai ona tatou tu'ua'ia Iesu i le fa'atosiga fa'aoleole i le au so'o ma folafolaga o le olaga lelei ma le mafanafana. 'Auaunaga o se mealofa, ma e foa'i atu o se mealofa.

O latou ua faia le galuega o le leoleo mamome i le malae o le talitonuga e tatau ona maua la latou saogalemū ia Iesu, i le taimi nei ma le lumana'i. O polisi fa'ainisiua, fuafuaga pe a matutua, tupe maua pe a ritaea, ma mea fa'apena e lelei mo le lumana'i, ae e tatau ona tatou manatuaina "e lē o i'inei le malō e fa'avavau."

Pe o tatou va'aia o tatou olaga ma toto o ni mealofa mai le Atua ma avatu mo isi? Pe mafai ona tatou va'ai i tua atu o le oti ma va'aia le olaga i le isi itū i tua atu o le tu'ugamau?

O faitauga o le asō o ni lu'itau tele. Ua vala'auina i tatou e avatu o tatou lava tagata taūa. Na avatu e le Ali'i lona lava ia toto ma na fa'apenā fo'i le au aposetolo. O tatou e tatau lava ona tu'u atu o tatou mata'itū i upu fa'ai'u a le faitauga mai le Evagelia: "Ua maua fua e outou, ia outou foa'ifuaina atu." O le a le uiga mo tatou i la tatou malagasā e ala i lenei lalolagi aga'i atu i le Malō?

Aso 25 Iuni Aso Sa 12 Tausaga Masani. Faitauga muamua – Ieremia 20: 10 – 13.
Matua: Ua lavea'ina e ia ia ola lē ua mativa ai lima o e amio leaga.

Salamo 69: 7 – 9 (tali), 14, 17 (tali), 33 – 35 (tali). Tali: Le Atua e, ona o le tele o lou alofa, ia e tali mai iā te a'u.

Faitauga lona lua – Roma 5: 12 – 15. Matua: E lē pei o le agasala le mea e foa'ifuaina

FAITAUGA MO LE MASINA O IUNI – 2023

mai.

Aleluia, Aleluia...O au afioga o le agaga ia, o le ola fo'i ia; o iā te oe le upu o le ola fa'avavau...Aleluia.

Evagelia – Mataio 10: 26 – 33. Matua: 'Aua tou te matata'u i e fasioti le tino.

Tofitofiga o le Upu:

O Ieremia o se tagata fa'anoanoa tele ma o se tagata sa fa'asauaina fo'i e pei ona ta'u mai e le tusi a le Tusi Pa'ia o lo'o ta'ua ai lona igoa. E ui sa ia taumafai e faia le mea moni – ma ona sa ia faia fa'apea – sa ta'uleagaina, fai i ai tala a tagata ma fa'atigā i ai. O latou sa tu'ua'ia o ia sa taumafai e maileia o ia.

E tele tagata i nei aso ua puapuagatia fa'apea e pei o Ieremia, aemaise i latou e i ai a latou matafaioi fa'alau'itele. E masani o nisi e fa'a'auto i ai ni tauemuga ma ni faitatala lē taofiofia ma le leai o se alofa. O faiga matagā nei ma le sauā a tagata ua fa'avalevlea tele ma le pala'ai e feagai atu ma latou ua latou faitioina ma fa'aleo atu i ai a latou tete'e ma le lē fiafia.

Afai o se tagata ua fa'aauau pea fa'aleagaina e mafai ona fa'atumuina i latou i le loto tigā ma le iā. A tatou feiloa'i atu i se tagata ua tumu i le inoino ma se uiga leaga e uiga i le tele o mea, e masalomia sa fa'atonutonu mai se iā a se isi tagata.

Fa'atusatusa le faitauga mai ia Ieremia ma le Evagelia a Mataio. O i'inei ua tatou feiloa'i atu ai i se uiga fiafia ma le malamalama, fa'atasi ai ma ni mafaufauga ma ni fa'alog'aga fiafia.. Fai mai Iesu: "O lenei 'aua tou te matata'u iā te i latou." Na si'itia e le Ali'i i tausaga anamua le ituaiga o mafaufauga lelei ua masani ai tatou nei. E tele ni tusitusiga, o a'oa'oga o lo'o maua i nei aso, ua aumai e latou ua maoa'e mea ua latou ausia ua manana'o e fa'asoa mai i isi le ala aga'i atu i se i'uga lelei. Fai mai i latou o uiga ma āga o ni vaega taūa tele i le fuafuaina le tele o tatou fiafiaga ma le alu lelei.

Afai e lē lelei ma leaga o uiga aga'i atu iā tatou galuega o isi tagata ma le olaga laua'itele, ona faigofie lea ona tatou to'ilalo. I le isi itū, afai tatou te fa'aalia se uiga lelei, malosi ma le taumafai aga'i atu iā tatou matafaioi, o le a tatou manuia.

O le finaufinau ale Ali'i ina ia 'aua ne'i fa'amata'uina i tatou e isi o lo'o tupu pea ma e sa'o lelei lava. Aiseā e fa'atagaina ai isi e tu'u tatou i lalo ma fai mai o tatou e maualalo? E leai se isi ua sao mai le agasala ma e leai se isi ua olaina lenei olaga e aunoa ma le faia o ni fa'ai'uga ma nisi mea sesē leaga. Ia manatua o tatou e lelei e pei o le isi tagata (ma e maise lava ua fai mai le Atua iā i tatou o tatou tau e sili atu i lo le lafu manu iti) e tatau ona fesoasaoni iā i tatou e si'itia o tatou va'aiga pe afai ua pa'ū i lalo.

Fai mai se tasi o tatou uiga i lo tatou agava'a o le a fuafuaina ai o tatou maualuluga. Na faufautua mai Iesu iā i tatou ina ia loto – malosi, fa'autauta, onosa'i ma fa'atumulia e le fa'atuatua. Afai e alofa tele le Atua i ana foafoaga e leai se isi o le a pa'ū e aunoa ma lana ioeina, ona tatau lea ona tatou olioli ona e alofa iā i tatou "e sili outou i manu iti e tele." O Paulo, e pei o Ieremia, o se tagata sa fa'asauaina tele – ae e le'i fa'aitiitia ai lava lona fa'anaunauta'iga malosi, ona sa ia mauaina le malosi e pulea ai faigatā uma ma loto vaivai i le fa'amalosi'au na avatu e Iesu iā te ia.

Afai o le a tatou finau ma musumusuga ma tala feave'ai e mautinoa lava o le a sau mai iā i tatou, e tatau ona 'aua ne'i o tatou to'ilalo ai, ona o le Ali'i ua poloa'iga i tatou ina



Fa'asologa o Misasa mo – Iuni 2023

ia aua ne'i fa'amatata'uina i tatou. Po lea lava le malosi o le tiapolo e tosoina i tatou i lalo, o ana kalasia e malosi tele e si'iina i tatou i luga.

Faitauga mo le aso Sa muamua o Iulai

Aso 2 Iulai Aso Sa 13 Taimi masani. Faitauga muamua: 2 Tupu 4: 8 – 11, 14 – 16. Matua: O le tagata pa'ia o le Atua lenei, o lē sau so'o iā te i ta'ua.

Salamo 89: 1 – 2 (tali), 15 – 16 (tali), 17 – 18 (tali). Tali: O le alofa mai o le Ali'i ou te pese ai lava e fa'avavau.

Faitauga lona lua – Roma 6: 3 – 4, 8 – 11. Matua: Ua tatanu fa'atasi i tatou ma ia i le papatisoga ina ia tatou savavali i le olatoefuata'iina.

Aleluia, Aleluia...o au afioga o le agaga ia, o le ola fo'i ia; o iā te oe upu o le ola fa'avavau...Aleluia.

Evagelia – Mataio 10: 37 – 42. Matua: O sē le ave lona satauro, e lē aogā fo'i lea iā te a'u. O lē talia outou, ua talia e ia o a'u.

Fa'asologa o Misasa mo – Iuni 2023

| | | | |
|----------------------|----------|---|---------------|
| Aso Sa muamua | 11.00am | Seatoun | Patele Andrew |
| 4 Iuni 2023 | 11.00am | Titahi Bay | Patele Denis |
| | 11.00am | Porirua | Patele Maleko |
| Aso Sa Lua | | | |
| 11 Iuni 2023 | 12.00am | Te Awakairangi – Lower Hutt (Naenae, Taita) | Patele Andrew |
| | | | |
| Aso Sa Tolu | | | |
| 18 Iuni 2023 | 11.00am. | Newtown | Patele Maleko |
| | 11.00am | Holy Family | Patele Andrew |
| | | | |
| Aso Sa Fa | | | |
| 25 Iuni 2023 | 09.30am | Te Wairua Tapu – Petone (Wainuiomata) | Patele Maleko |
| | 11.30am | Stokes Valley | Patele Andrew |

Mikaele Teofilo:

✉ m.teofilo@wn.catholic.org.nz

☎ +64 4 496 1707

☎ 021 0818 5037

✉ PO Box 1937, Wellington 6140, New Zealand